

唐君毅先生像铭

编者按：唐君毅先生是新亚书院创办人之一，也是新亚书院和香港中文大学哲学系创系主任。今年恰逢唐君毅先生诞辰一百周年，香港中文大学哲学系成立六十周年。为此，香港中文大学哲学系校友会发动新亚及中大校友捐款为唐君毅先生铸塑铜像，永志怀念。此议一出，回响热烈，短期内即筹足经费，并获得香港中文大学及新亚书院批准将铜像矗立于新亚校园，与孔子铜像遥相呼应。校友会又请得新亚书院第一届毕业校友、前新亚书院院长和前香港中文大学副校长余英时先生撰写碑文，碑文史、情、文并茂。今征得余先生首肯，本刊有幸率先发表，以广流传，共缅先贤。

唐君毅先生(1909—1978)，四川宜宾人，幼承庭训，以儒典启蒙；及长游学南北，受教于欧阳渐、熊十力诸大师，遂能通儒释之卮。先生精思明辨，出于稟赋，初治西哲之言即若针芥之投。所造既深，则于德意志辩证思维冥契尤多。平生以重振中国人文精神为己任，故治旧学新知于一炉，逐层为系统之建构，堂庑开阔，阶次森然；道德自我之建立，其始基也；中国文化之精神价值，其全幅呈现也；心灵九境，其终极归宿也。先生之学与年俱进，此其明征也。

一九四九年先生参与新亚书院之始建而首创哲学系，迄一九七四年自中文大学讲座引退，先后主持香港哲学坛坫二十有五年。济济多士出于门下者，极一时之盛。风雨如晦，花果飘零，神州哲理犹能续慧命于海隅，先生之功莫大焉。

先生讲学不忘理乱，亲历世变，怒焉忧之，于是发愤返本开新，持孔子之教为天下倡，此海外新儒家之所由兴也。新儒家之宗旨与规模定于先生所撰文化宣言，数十年来流布海内外，赅赅乎与世运共升降，不亦卓乎！

明道救世，上承前哲；肫肫其仁，垂范后昆。仰瞻遗像，永志勿忘。

公元二零零八年岁次戊子门人余英时敬撰